

इवनिंग डोगरी न्यूज़ बुलेटिन

समे .1815

खास-खास खबरें

Headlines

1. राष्ट्रपति द्रौपदी मुर्मू होरें आखेआ जे भारत दी रक्षा छमता ने दुनिया दा ध्यान आकर्शित कीता ऐ।
2. संसद दे दौनें सदनें दी कारवाई विपक्ष दे सदस्ये आस्सेआ बक्ख-बक्ख मुद्दे उप्पर नारेबाजी करने करी इक दिन लेई स्थगित करी दित्ती गई।
3. केन्द्री मंत्री डॉ. एस.जयशंकर होरें आखेआ जे सरकार शूनएससी च स्थायी सदस्यतस हासल करने गी पैहली तरजीह दिंदी ऐ।
4. सरकार नै आखेआ ऐ जे तकरीबन 25 लक्ख लाभार्थी पीएम विश्वकर्मा स्कीम दे तैहत पंजीकृत कीते गे न।

<><><><><><>

Prez. Defence

राष्ट्रपति द्रौपदी मुर्मू होरें आखेआ जे भारत दी रक्षा छमतानै दुनिया दा ध्यान आकर्शित कीता ऐ। वेलिंग्टन ऊटी च डिफेंस सर्विरोज टाफ ट्रेनिंग कालेज च इक संबोधन च राष्ट्रपति होरें आखेआ जे रक्षा बलें च महिलाएं दी हिस्सेदारी पर मुख्य गी मान ऐ। दुनिया च सब्बने थमां उच्चे युद्धक्षेत्र सियाचिन दी अपनी हाल दी यात्रा गी चेता करदे होई उनें आखेआ जे महिला सैनिक कठन हालात च बी मजबुती कन्नै खडोती दियां रौंहदियां न। राष्ट्रपति होरें मुख्य दी रक्षा आस्तै अपने परोआर आलें गी सेना च भेजने पर उंदे परोआरें दे समर्पन दी सराहना कीती। राष्ट्रपति होरें आखेआ जे भारत 100 थमां मते मुख्ये गी रक्षा उपकरण निर्यात करा'रदा ऐ। उनें मुख्य दे रक्षा उत्पादे दी गुणवत्ता दी सराहना करदे होई आखेआ जे भारत इक भरोसेमंद रक्षा सांझेदार ऐ ते आत्म निर्भरता कन्नै कम्म करा'रदा ऐ। उनें आखेआ जे भारत वैश्विक मुद्दे बारे बी जागरूक ऐ ते एह्दे कन्नै निबड़ने लेई जतन कीता जा'रदा ऐ।

<><><><><><>

Parliament Adjourned

संसद दे दौनें सदनें दी कारवाई अज्ज इक बारी परतियै स्थगित करनी नेई। बडलै संसद दी बैठक दे शुरू होरें गी कांग्रेस, खब्बे धड़े, डीएमके, टीएमसी, समाजवादी पार्टी, आम आदमी पार्टी ते होर दुई विरोधी पार्टिएं दे

सांसद इक बपार घराने आस्सेआ कथित तोरा पर गुज्जखोरी दे मुद्दे गी लेइयै डंड रौली पाल लगी पे ते बार बार ठाकने पर बी आखे नेई लगने पर कारवाई 12 बजे तगर स्थगित करी दित्ती गई। जिसलै कारवाई परतियै शुरू होई ते इनें परतियै किट्ठे होइयै हंगामा करना शुरू करी दित्ता। राज्य सभा दे चेयरमैन जगदीप धनखड़ होरें विरोधी धड़ें दे मिनरें गी आखेआ जे ओह अपनी अपनी सीटें उप्पर जाई बेईउजान, लेकन ओह लगातार नारेबाजी करदे रेह। उनें आखेआ जे संसद चर्चा करने दा इक मंच ऐ। उनें सदन गी सुचारक ढंगै सिर चजाने लेई सदस्यें गी सैहयोग देने लेई बी आखेआ। लोकसभा च बी हंगामा जारी रेआ। जिसलै 12 बजे सदन दी बैठक परतियै शुरू होई ते विपक्ष दे सदस्यें बिच्च बश्कार आई गे ते बक्ख-बक्ख मुद्दें उप्पर नारेबाजी करन लगे। पीठासीन अध्यक्ष होरें बार बार सदन च बवसी बनाई रखने दा आग्रह कीता लेकन उनें अपना विरोध प्रदर्शन जारी रक्खेआ। अस करी सदन गी दिन लेई स्थगित करी दित्ता गेआ। संसदीय मामले दे मंत्री किरन रिजिजू होरें सदन च विपक्ष दे इस बर्ताव दी निंदेया कीती, उआं वक्फ संशोधन बिल 2024 सरबंधी सांझी संसदीय कमेटी दे चेयरमैन जगदम्बका पाल होरें कमेटी दी रिपोर्ट पेश करने दा समा बजट सत्र 2025 दे खीरी दिन तगर बधाने दा प्रस्ताह पेश कीता ते सदन नै इस प्रस्ताह गी मंजूरी देई दित्ती। इस मिमां पैहले हुनै होए दे उप-चुनाएं च जित्त हासल करने आले कांग्रेस दे नेता प्रियंका गांधी वाड्रा ते रविन्दर वसंतराव चव्हान होरें लोकसभा च ससंद सदस्य दे तौरा उप्पर सगंध लैती।

<><><><><><>

Congress Parliament

कांग्रेस नै आखेआ ऐ जे संसद सरकारी कारोबार दे कन्नै कन्नै लोकें कन्नै जुड़े दे बक्ख-बक्ख मुद्दें पर चर्चा करने दा इक मंच ऐ। संसद दे बाहर पत्रकारें कन्नै गल्लबात करदे होई लोकसभा च कांग्रेस दे उपनेता गोरव गोगाई होरें आखेआ जे लोकतंत्र दा मतलब ऐ हर कुसै गी कन्नै लेइयै चलना।

<><><><><><>

CS-H&ME

मुख्य सचिव अटल डुल्लू होरें अज्ज सेहत ते चिकित्सा शिक्षा मैहकमे दी इक बैठक लाई ते उनें ब्लॉकें दी पंछान उप्पर जोर भरेआ जित्थें डाक्टरें ते होरने चीजें दी कमी बारे चर्चा कीती गई। मुख्य सचिव होरें स्टाफ दी उपलब्धता बारे जायज लैता ते इसदे बाद उनें जिले ते उनें ब्लॉकें दी जांच कीती जित्थें डाक्टरें दी उपलब्धता दे मामले च मती कमी दा सामना करना पवा'रदा ऐ। मुख्य सचिव होरें इस मामले पर बचार बमर्श करदे होई इस मित्थ गी पूरा करने लेई मती सारियां गैह चुककने लेई आखेआ। उनें पेशवरें युवाएं गी यूटी दे इनें दूर दरेड़े इलाकें च सेवा देने लेई प्रेरित करने लेई हक रोड मैप तैआर करने दी सलाह दित्ती। मुख्य सचिव होरें आखेआ जे ओ इनें सेहत सुविधाएं च टेली मैडिसीन किआस्कस स्थापत करने उप्पर नजर रक्खन तां जे लोक अपने सरबन्धत जिला अस्पताले जां नजदीकी मैडिकल कालेजें थमां जरूरी सेहत सलाह लेई सकन।

<><><><><><>

DC Kishtwar-JKSSB

किश्तवाड़ दे डिप्टी कमीशनर राजेश कुमार शवन होरें अज्ज पैहली दिसम्बर 2024 गी 12 बजे थमां लेइयै 2 बजे तगर होने आले जेएँछके सर्विस सिलैक्शन बोर्ड दे कांस्टेबल दी पोस्टें लेई हाने आले मतेयानें दे इंतजाम गी खीरी रूप दित्ता। साढ़े जिला संवाददाता कैलाश नाथ हुंदी रिपोर्ट मूजब डीसी होरें जिले ते सब्बने 19 केन्द्रें च मतेयान गी सुचारू ढंगै सिर चलाने लेई पैहले थमां गै तैआरिएं दे निगगर इंतजाम कीते दे न। डीसी होरें दस्सेआ जे इनें 10 केन्द्रें च कुल 5 जहार 8 सौ 7 बच्चें दे इस मतेयान च औने दी मेद ऐ।

<><><><><><>

IFFI Goa

गोवा च अज्ज संजा लै 55मां अंतर्राष्ट्रीय फिल्म महोत्सव समापन होई जाग। अज्ज समापन समोराह च भारतीय सिनेमा दे किश मन्ने परमन्ने दे लोकें दी शिरकत करने दी मेद ऐ। इस मौके पर प्रतिष्ठित गोलडन पीकॉक अवार्ड सनें केई प्रतिष्ठित पुरस्कारें दी घोषणा कीती जाग। भारत दी 3 फिल्में सनें 15 फिल्मां इनें पुरस्कारें लेई मकाबलें च ऐन। इस महोत्सव च बक्ख-बक्ख भाषाएं ते विधाएं दिएं तकरीबन 180 फिल्मां दस्सियां गेइयां।

<><><><><><>

SC-Yasin Malik

सुप्रीम कोर्ट नै अज्ज सीबीआई आस्सेआ दो मामलें च मुकदमे गी जम्मू थमां नमीं दिल्ली च मुंतकिल करने दी गुहार उप्पर अलगाववादी नेता यासीन मलिक ते होरनें थमां जवाब मंगेआ ऐ। जस्टिस अभय के. ओका ते अगस्टीन जाज्र मसीह दी पीठ नै मलिक ते होरने अरोपिएं गी नोटिस जारी करियै उनेंगी 18 दिसम्बर तगर जवाब देने दा निर्देश दित्ता ऐ। इस कारवाई दरान साजिसिटर जनरल तुशार मेहता होरें पीठ गी दस्सेआ जे मलिक गी शारीरिक तौरा उप्पर जम्मू कोर्ट च लेई दी लोड़ नेई ऐ। की जे तिहार जेल रु वीडियो कांफ्रेंसिंग दी सुविधा उपलब्ध ऐ। इस मामले दी अगली सुनवाई हुन 18 दिसम्बर गी होग।

<><><><><><>

RS Jaishankar

संयुक्त राष्ट्र सुरक्षा परिषद यूएनएससी दे विस्तार आस्तै संयुक्त राष्ट्र दे सदस्यें बश्कार समर्थन जताने आस्तै भारत होरने दुए मुल्खें कन्नै मिलियै कम्म करा'रदा ऐ। विदेश मंत्री डॉ. एस. जयशंकार होर अज्ज राज्य सभा च इक लिखित परते च एह गल्ल आक्खी। उनें आखेआ जे सरकार संयुक्त राष्ट्र सुरक्षा परिषद च स्थायी सदस्यता हासल करने गी पैहली तरजीह दिंदा ऐ। उनें इस गल्ला पर लोह पाई जे भारत दपक्खी ते बहुपक्खी सतहें पर ते

यूएनएससी सुधारें पर चला'रदी अंतर सरकारी चर्चाएं च शामिल ऐ। डॉ. जयशंकर होरें आखेआ जे भारत जी-4 समूह मुल्खें भारत, जापान, ब्राजील ते जर्मनी ते एशिया अफ्रीका ते लैटिन अमरीका दे विकासशील मुल्खें दे क्रास-रीजनल समूह कन्नै मिलियै कम्म करा'रदा ऐ। उनें इस गल्ला पर जोर दित्ता जे सरकार इस मुद्दे पर दक्खन ते मुल्खें दे लगातार संमर्पक च ऐ। डॉ. लयशंकर संयुक्त राष्ट्र दे स्थायी 5 मुल्खें अमरीका, चीन, फ्रांस, यस ते बरतानिया सनें केई मुल्खें सुरक्षा परिषद दे स्थायी सदस्य दे तौर पर भारत दी मेदवारी दा समर्थन कीता ऐ।

<><><><><><>

LS PM Vishwakarma

सरकारै आखेआ ऐ जे पीएम विश्वकर्मा योजना तैहत लगभग 25 लक्ख लाभार्थी पंजीकृत न। भलेआ लोहके लौहके ते दरमेयानवें दर्जे दे उद्योगें सरबन्धी राज्यकमन्त्री शोभा करंदलाजे होरें अज्ज लोकसभा च इक लिखित सोआले दे परते च एह जानकारी दिती। उने आखेआ जे इसदा मकसद 18 कारोबारें च लग्गे दे कारीगरें ते दस्कारें गी सहायता उपलब्धस कराना ऐ। सुश्री करंदलाजे होरें आखेआ जे सितंबर 2023 सोयां अक्टूबर 2024 तक पीएम विश्वकर्मा तैहत दो हजार 122 करोड़ रुपये थावते दी रकम दी मंजूरी दिती गई ऐ। उने दस्सेआ जे सरकार नै इस योजना तहत 30 लक्ख कारीगरें देके पंजीकरण दा लक्ष्य रखे दा ऐ।

<><><><><><>

ESIC-PMJAY

श्रम ते रोजगार मंत्रालय नै आखेआ ऐ जे कर्मचारी राज्य बीमा निगम-ईएसआईसी, आयुष्मान भारत प्रधानमंत्री जन आरोग्य योजना दी सुविधाएं गी ईएसआईसी च शामिल करियै निगम दे कर्मचारिएं ते उंदे आश्रितें गी सेहत सेवां दित्ते जाने पर कम्म करै करदा ऐ। मंत्रालय नै अज्ज जारी इक ब्याने च आखेआ ऐ जे इस पैहज कन्नै 14 करोड़ 43 लक्ख ईएसआईसी दे लाभार्थी ते उंदे परोआरें गी लाह होग। उंदा आखना ऐ जे इस पैहल कन्नै भारत दी इलाज-मुआलजे सरबन्धी मयारी सेवाएं दा लाह कर्मचारिएं गी मिलोग। कर्मचारी, मुख भरै च 30 ज्हार शावते आयुष्मान भारत प्रधानमंत्री जन आरोग्य दे सूचीबद्ध अस्पतालें च दुए ते त्रीये स्तर दी डाक्टरी सेवा दा लाह हासल करी सकन। इलाज दे खर्चे पर कोई माली हद्द नैई होग। मंत्रालय मूजब, ईएसआईसी दे लाभार्थिएं दे इलाज लेई देस भरे दे खैराती अस्पताल बी सूचीबद्ध कीते जांगन।

<><><><><><>

Goyal Growth

केन्द्री उद्योग ते बपार मंत्री पीयूश गोयल होरें आखेआ ऐ जे बक्ख-बक्ख खेत्तरें च विकास कन्नै भारत अज्ज अंतराष्ट्रीय बपार, शोध ते रास पूंजी लेई पैहली पसंद बनी गेआ ऐ। नमीं दिल्ली च अज्ज मीडिया गी संबोधत

करदे होई री गोयल होरें दस्सेआ जे डिजीटल इंडिया अभियान कन्नै देसै च क्रांति आई ऐ, जिसलै दुनिया च भारत गी डेटा सरबंधी केन्द्र, आर्टिफिशल इंटेलीजेंस च शोध ते वैश्विक समर्थ केन्द्र दे तौरा पर स्थापत कीता ऐ। उनें इब्बी आखेआ जे आपूं चै जुड़े दे ग्रिड नेटवर्क ते बुनियादी ढांचे दे विकास कन्नै देसे दी संपर्क प्रणाली च क्रांतिकारी बदलाव आया ऐ। श्री गोयल होरें आखेआ जे अमरीका ते ब्रिटेन च शासन च बदलाव दा उंदे दरम्यान मजूदा बपारिक सांझ भ्याली पर कोई असर नेई पौग। उनें आखेआ जे भारत संसद दे स्थाने आले इजलास परेंत ब्रिटेन दे कन्नै अपने मुक्त बपार समझौते पर गल्लबात जारी रक्खोग।

<><><><><><>

LS-Waqf Bill

लोक सभा नै अज्ज वक्फ संशोधन पिधेयक पर सांझी संसदीय समिति गी बजट सत्र दे अगले दिन तगर अपनी खीरी रिपोर्ट पेश करने आस्तै प्रस्ताह पारित कीता गेआ ऐ। कमेटी दे अध्यक्ष ते बीजेपी दे नेता जगदंबिका पाल होरें लोकसभा च इसी पेश कीता ते इसी ध्वनी मते कन्नै मंजूर करी दित्ता ऐ। बुधवारें विपक्ष दे मिंबरें सदन थमां वाल्क आउट कीता ते दोष लाया जे मसोदे गी तैआर करी दित्ता गेआ ऐ। लोकसभा नै 8 अगस्त गी कमेटी दा गठन कीता हा ते कमेटी गी अपनी रिपोर्ट 29 नवम्बर गी जमा करोआनी ही।

<><><><><><>

LS PM Svanidhi

सरकारै आक्खेआ ऐ जे 67 लक्ख सोयां मते लोकें गी पीएम— स्वनिधि योजना राएं लाह होआ ऐ। एह योजना 2020 च शैहरी रहडी फडी आलें गी 50 हजार रुपे तक दे दोहार देने आस्तै शुरु कीती गई ही। घरें कोठे ते शैहरी मामलें दे राज्य मंत्री तोखन साहू होरें लोकसभा च इक लिखित सोआले दे परते च एह जानकारी दिती। उने आक्खेआ जे हुनै तगर 13 हजार करोड़ रुपे दा दोहार बंडेआ जाई चुके दा ऐ।

<><><><><><>